

# **ЗАКОН О ВИБОРУ НАРОДНИХ ПОСЛАНІКОХ<sup>1</sup>**

## **I. ОСНОВНИ ОДРЕДБИ**

### **Член 1.**

З тим законом ше ушорює вибор и преставање мандату народних посланікох Народней скупштини Републики Сербії (у дальшим тексту: посланіки).

### **Член 2.**

Граждане вибераю посланікох на основи шлебодного, общого, едного и непоштреного виберацкого права, з тайним гласаньом.

Ніхто не ма право же би, по било хторей основи, зоперал або примушовал гражданина же би гласал, же би го поволовал на одвичательносц пре гласанє и же би од нього вимагал же би ше вияшнел за кого гласал або чом не гласал.

### **Член 3.**

Народна скупштина Републики Сербії ма 250 посланікох, котри ше вибераю на штири роки.

### **Член 4.**

Посланікове ше вибераю у Републики Сербії, як єдней виборней єдинки, на основи лістини политичних странкох, странкових коалиційох, других политичних орґанизацийох и лістинох котри предклада група гражданох (у дальшим тексту: виберанкова лістина).

Посланіцки мандати розподзелюю ше зрозмирно числу достатих гласох.

### **Член 5.**

Граждане маю право же би преїг' средствох явного информованя були обвисцени о виборних програмах и активносцох подношительох виберанкових лістинох, як и о кандидатох зоз виберанкових лістинох.

Средства явного информованя длужни же би забезпечели равноправносц у информованю о шицких подношительох виберанкових лістинох и кандидатох зоз тих лістинох.

Виберанкова пропаґанда преїг' средствох явного информованя и явних сходов и обявйованє преценюваня резултатох виберанкох забранєни 48 години пред дньом отримованя виберанкох и на дзень отримованя виберанкох по заверанє виберацкого места.

### **Член 6.**

Орґани за запровадзованє виберанкох то Републична виберанкова комисија и виберацки одбори.

### **Член 7.**

---

<sup>1</sup> “Службени гласнік РС”, чис. 35/00, 57/03 - УС, 72/03 - др. закон, 18/04, 85/05 - др. законик, 101/05 - др. закон, 104/09 - др. закон, 28/11 - УС, 36/11.

Защиту виберацкогo права обезпечую Републична виберанкова комиссия, Управни суд\* и компетентни суди.

#### **Член 8.**

Средства за запровадзоване виберанкох за посланікох обезпечую ше у бюджету Републики Сербії.

### **II. ВИБЕРАЦКЕ ПРАВО**

#### **Член 9.**

Виберачке право у змислу того закона облапя право гражданох же би на способ и по поступку котри утвердзени з тим законом: вибераю и буду виберани; кандидую и буду кандидовани, одлучую о предложених кандидатох и виберанкових лістинох; же би кандидатом явно поставяли питаня; же би були на час, правдиво, подполно и обективно информовани о програмох и активносцох подношительох виберанкових лістинох и о кандидатох зоз тих лістинох, як и же би разполагали з другима правами котри предвидзени с тим законом.

#### **Член 10.**

Право же би виберал посланіка и же би бул вибрани за посланіка ма полнолітни роботно способни државян Републики Сербії зоз перебуваньом у Републики Сербії (у дальшим тексту: виберач).

#### **Член 11.**

Посланік не може источашне буц ношитель правосудней або другей функції на котру го вибера Народна скупштина Републики Сербії, ані други функционер або заняти котри у републичним орґану окончуе роботи котри ше одноша на ділокруг того орґана, окрем у случайох утвердзених з Уставом.

З дньом потвердзованя посланіцкогo мандата особи вибраней з Народней скупштини Републики Сербії престава тотa функция, а особи занятей у републичним орґану почина мировац роботне одношене.

### **III. ВИБЕРАЦКИ СПИСКИ**

#### **Чл. 12. по 24.**

*Престали важиц*

### **IV. РОЗПИСОВАНЕ ВИБЕРАНКОХ**

#### **Член 25.**

Виберанки за посланікох розписуе председатель Републики. З одлуком о розписованю виберанкох одредзую ше дзень отримованя виберанкох и дзень од котрого почина чечиц час за окончоване виберанкових роботох.

Одлуку о розписованю виберанкох обявюе ше у „Службеним гласніку Републики Сербії”.

#### **Член 26.**

Од дня розписованя по дзень отримованя виберанкох не може преисц меней як 45, ані вецей як 60 дні.

#### **Член 27.**

Виберанки за посланікох отримую ше найпознейше 30 дні пред вицеком мандата посланікох котрим вицека мандат.

З дньом потвердзованя мандата нововибраним посланіком престава функция посланікох чий мандат виходзи.

Потвердзованє мандатох посланікох окончує ше на основі увереня о вибору за народного посланіка и звиту Републичней виберанковой комисії о запровадзених виберанкох, у чаше од 30 дні од дня преглашованя конєчних резултатох виберанкох.

На конститутивней схадзкі Народней скупштине Републики Сербії формує ше комиссия з трох членох пре утвердзованє согласносци увереня о вибору за народного посланіка и звиту Републичней виберанковой комисії.

На основі звиту комисії зоз пасуса 4. того члена особа котра предшедує зоз конститутивну схадзку Народней скупштине Републики Сербії констатує же Републична виберанкова комиссия поднесла звіт о запровадзених виберанкох и котри увереня о вибору за народних посланікох у согласносци зоз тим звітом, з чим потвердзени мандат нововибраним посланіком.

## **V. ОРҐАНИ ЗА ЗАПРОВАДЗОВАНЄ ВИБЕРАНКОХ**

### **1. Положенє орґанох**

#### **Член 28.**

Орґани за запровадзованє виберанкох самостойни и независни у роботи и робя на основі закона и предписаньох принєшених на основі закона,

За свою роботу орґани за запровадзованє виберанкох одвитую орґану котри их меновал.

Шицки державни и други орґани и орґанизациї длужни же би обезпечели помоц орґаном за запровадзованє виберанкох и же би им доручели податки потребни за роботу.

#### **Член 29.**

Орґани за запровадзованє виберанкох робя у стаємним и преширеним составе.

Орґани за запровадзованє виберанкох робя у преширеним составе од дня утвердзованя того составу по законченє виберанкох.

Орґани за запровадзованє виберанкох одлучую з векшину гласох членох у стаємним, односно преширеним составе.

Ані єдна политична странка, странкова коалиция або друга политична орґанизация не могу мац вецей од половки членох у стаємним составе шицких орґанох за запровадзованє виберанкох.

#### **Член 30.**

Члени Републичней виберанковой комисії и їх заменікове меную ше на штири роки, а члени виберацких одборох и їх заменікове за кажди виберанки.

Члени и заменікове членох орґанох за запровадзованє виберанкох не могу буц особи котри медзисобно родзина по правней линії без огляду на ступень родзинства, у побочней заключно зоз трецим ступньом родзинства, а по женовей родзини заключно зоз другим ступньом родзинства, як ані малженски партнере и особи котри у медзисобном одношеню усвоїтеля и усвоєного, односно старателя и особи под охрану.

Кед виберанкова комиссия, односно виберацки одбор составени противно одредби пасуса 2. того члена тот орґан ше розпущує, а виберанки, односно гласанє ше повторює.

Заменікове членох Републичней виберанковей комисії и члени виберацких одборох маю исти права и одвичательносци як и члени котрих заменую.

Право гласац у Републичней виберанковей комисії або виберацким одбору ма лем член того орґана, або, у його одсутстве, заменік.

#### **Член 31.**

Члени орґана за запровадзованє виберанкох посланікох и їх заменікове муша мац виберацке право.

Членом орґана за запровадзованє виберанкох и їх заменіком престава функция у тих орґанох кед прилапя кандидатуру за посланікох.

#### **Член 32.**

Робота орґана за запровадзованє виберанкох явна.

Особи котри провадза роботу орґана за запровадзованє виберанкох длужни поступац у складзе з правилима котри предписує Републична виберанкова комисия.

Кед особи зоз пасуса 2. того члена потупя правила о отримованю шора на виберацким месце або на други способ завадзаю у работи орґана за запровадзованє виберанкох, орґан за запровадзованє виберанкох их може оддаліц, а податки о тим ше уноши до записніку.

Кандидат зоз виберанковей лістини котра потвердзена и преглашена не може присуствовац работи орґана на запровадзованю виберанкох.

## **2. Републична виберанкова комисия**

#### **Член 33.**

Републичну виберанкову комисию у стаємним составе твора председатель и шеснац члени котри менує Народна скупштина Републики Сербії на предклад посланічних групох у Народней скупштини Републики Сербії, а у преширеним составе и по єден представнік подношителя виберанковей лістини.

Републична виберанкова комисия ма секретара котрого менує Народна скупштина Републики Сербії зоз шора фахових роботнікох своєї служби, котри участвує у работи комисії без права одлучованя.

Републична виберанкова комисия ма и єдного члена, представніка републичней орґанизациї компетентней за работи статистики, котри участвує у работи комисії без права одлучованя.

Председатель, члени Републичней виберанковей комисії и ей секретар маю заменікох.

Председатель, члени Републичней виберанковей комисії и их заменікове муша буц дипломовани правнікове.

Републична виберанкова комисия з рішеньом утврдзує же подношитель виберанковей лістини сполнює условия за одредзованє своїх представнікох у преширеним составе того орґана у чаше од 48 годзини од преглашованя виберанковей лістини.

Ришенє о сполньованю, односно несполньованю условийох за одредзованє представніка подношителя виберанковей лістини Републична виберанкова комисия доручує подношительови виберанковей лістини у чаше 24 годзинох од хвильки приношеня рішеня.

Представник подношителя виберанковой лістини зоз пасуса 1. того закона постава член Републичней виберанковой комісії у преширеним составе найпознейше 24 годзини од приношеня рішення.

Состав Републичней виберанковой комісії обявює ше у „Службеним гласніку Републики Сербії”.

#### **Член 34.**

Републична виберанкова комісія:

1. стара ше о законитим запровадзованю виберанкох,
2. организує технічне пририхтованє за виберанки,
3. провадзи применюванє и дава толкованя у вязи зоз применюваньом того закона окреме о запровадзованю гласаня у иножемстве,
4. утвердзує єдинствени стандарди за виберанкови материял,
5. предписує формулари и правила за запровадзованє виберанкових роботох предписаних з тим законом,
6. предписує файту спрея зоз члена 68. пасус 4. того закона,
7. одредзує и оглашує у „Службеним гласніку Републики Сербії” число и адресу виберацких местох, найпознейше 20 дні скорей дня одредженого за отримованє виберанкох,
8. формує виберацки одбори и менує председателя и членох виберацких одборох.
9. утвердзує число гласацких лісткох за виберацки места, оверює их и ведно зоз овереним виводом зоз виберацкого списка, записніцки, придава виберацким одбором,
10. одредзує виборни акти котри ей ше доручую,
11. утвердзує чи виберанкова лістина составена и поднесена у складзе зоз тим законом и преглашує,
12. приноси рішення о преглашованю собирней виберанковой лістини,
13. одредзує способ чуваня и рукованя з виберанковим материялом,
14. утвердзує и обявює резултати виберанкох,
15. утвердзує число мандатох котри припадаю каждой виберанковой лістини.
16. подноси звит Народней скупштини Републики Сербії о запровадзених виберанкох,
17. доручує податки орґаном компетентним за зазберованє и обробок статистичних податкох,
18. окончує и други роботи предвидзени зоз тим законом,

Републична виберанкова комісія приноси діловник о своєй роботі.

Формулари зоз точ. 4. и 5. того члена Републична виберанкова комісія длужна же би у чаше пейцох дньох од дня розписованя виберанкох положила на розполаганє учашніком у виберанкох.

#### **Член 35.**

Условия за роботу Републичней виберанковой комісії обезпечує Народна скупштина Републики Сербії.

### **3. Виберацки одбор**

#### **Член 36.**

Виберацки одбор у стаємним составе твора: председатель и наименей два члени, а у преширеним составе и по еден представник подношителя виберанковой листини.

Председатель и члени виберацкого одбора маю заменікох.

Виберацки одбор менуе ше најпознейше 10 дні скорей дня одредзеного за отримоване виберанкох.

Републична виберанкова комисија, у чаше 48 годзинох од хвильки приношеня ришеня о преглашованю виберанковой листини, з ришеньом утврдзуе котри подношитель виберанковой листини виполнюе условия за своїх представнікох у преширеним составе виберацкого одбора.

Ришене о сполнетих, односно несполнетих условийох за одредзоване представніка подпошителя виберанковой листини Републична виберанкова комисија доручуе подношительови виберанковой листини у чаше од 24 годзини од хвильки приношеня того ришеня.

Представник подношителя виберанковой листини зоз пасуса 1. того члана постава член виберацкого одбора у преширеним составе најпознейше 24 годзини од хвильки приношеня того ришеня.

Подношителье виберанкових листинох можу ше догвариц же би у виберацким одбору одредзели заедніцкого представніка.

#### **Член 37.**

Виберацки одбор непоштречно запровадзуе гласане на виберацким месце, обезпечуе правилносц и тайносц гласаня, утврдзуе резултати гласаня на виберацким месце и окончуе други роботи одредзени з тим законом.

Виберацки одбор ше стара о отримованю шора на виберацким месце под час гласаня.

Блізши правила о работи виберацкого одбора предписуе Републична виберанкова комисија.

#### **Член 38.**

У случаю источасного отримованя виберанкох за народних посланікох Народней скупштини Републики Сербії и председателя Републики виберацки одбори формовани за запровадзоване виберанкох за народних посланікох окончую роботи виберацких одборох за вибор председателя Републики.

### **4. Представніки подношительох виберанкових листинох у орґанох за запровадзоване виберанкох**

#### **Член 39.**

Подношитель виберанковой листини зоз чл. 33. и 36. того закона одредзуе представнікох у орґанох за запровадзоване виберанкох и о тим информуе орґани котри меновали орґани за запровадзоване виберанкох.

Кед достаню обвисцене о особох котри уходза до преширеного составу, орґани за запровадзоване виберанкох у стаємним составе, најпознейше у чаше 24 годзинох од хвильки приема обвисценя, з ришеньом утврдзую мена особох котри поставаю їх члени.

Кед подношитель виберанковой листини не одредзи представніка до орґану за запровадзоване виберанкох најпознейше пейц дні скорей дня

одредженого за отримованє виберанкох, тот орґан предлужує робиц и полноправно одлучує без представніка подношителя виберанковой лістини.

## **VI. ВИБЕРАНКОВА ЛІСТИНА**

### **1. Кандидованє**

#### **Член 40.**

Кандидатох можу, под уловиями утвердзенима з тим законом, предкладац реґистровани политични странки и странково коалиції (у дальшим тексту: политични странки), як и ґрупи гражданох.

У мєно политичней странки, односно ґрупи гражданох, предклад зоз пасуса 1. того члена може поднесц лєм особа котру политична странка, односно ґрупа гражданох овласцєла.

У мєно коалиції странкох, предклад зоз пасуса 1. того члена подноша найвєцей два овласцєни особи.

#### **Член 40а.**

На виберанковой лістини мєдзи каждима трома кандидатами по шоре на лістини (перши три мєста, други три мєста и так по конєц лістини) муши буц найменєй по єден кандидат – припаднік гєвтого полу котри менєй заступєни на лістини.

Кєд виберанкова лістина нє сполнює уловия зоз пасуса 1. того члана будзє шє тримац жє ма нєдостатки за прєглашованє виберанковой лістини, а предкладатель лістини будзє поволани жє би одклонєл нєдостатки лістини, у складзє зоз тим законом.

Кєд предкладатель лістини нє одклонї нєдостатки зоз пасуса 2. того члена, Рєпублична виберанкова комиссия одбиє прєглашенє виберанковой лістини у складзє зоз тим законом.\*

#### **Член 41.**

Подношитель виберанковой лістини може поцагнуц лістину найпознєйшє по дзєнь утвердзованя собирней виберанковой лістини.

З поцагованьом виберанковой лістини прєстава функция представніка подношителя лістини у шицких орґанох за запровадзованє виберанкох, як и шицки права котри му у тим свойствє по одредбох того закона припадаю.

### **2. Назва, утвердзованє и прєглашованє виберанковой лістини**

#### **Член 42.**

Назва виберанковой лістини одредзує шє спрам назви политичней странки котра подноши лістину, а до назви шє може уключиц мєно и презвиско особи котрє политична странка одредзи як ношителя виберанковой лістини.

Кєд два або вєцей политични странки поднєшу заєдніцку виберанкову лістину, назва виберанковой лістини и найвєцей двоє ношительє виберанковой лістини одредзую шє спорозумно.

Попри назви виберанковой лістини ґрупи гражданох подношитель одредзує блїзшє означєнє тєй лістини, а у назви шє може уключиц мєно и презвиско особи котрє ґрупа гражданох одредзи як ношителя виберанковой лістини.

Особа одредзєна як ношитель виберанковой лістини може буц кандидат за народного посланїка.

Особа одредзена як ношитель виберанковей лістини може буц кандидат за други державни орґан за котри ше источашне запровадзую виберанки.

#### **Член 43.**

Виберанкова лістина утвердзена кед ю зоз своїма подписами потрима найменей 10.000 виберачох.

Републична виберанкова комисија предписує форму и змист формулара за подпис зоз пасуса 1. того члена и кладзе го на располагање учашніком у виберанкох у чаше пейцох дньох од розписованя виберанкох.

Виберач може з своїм подписом потримац виберанкову лістину лєм єдного предкладателя. Кажди подпис зоз пасуса 1. того члена муши буц оверени у компетентним суду.

Висину надолпнення за оверйованє подписа утвердзи Министерство правди Републики Сербії з окреимним актом.

#### **Член 44.**

Виберанкова лістина доручує ше Републичней виберанковей комисиї найпознейше 15 дні скорей дня одредзеного за отримованє виберанкох.

Попри виберанковей лістини, Републичней виберанковей комисиї доручує ше документация, и то:

1. потвердженє о виберацким праву за каждого кандидата зоз виберанковей лістини, у котрей назначене мєно и презвиско, датум родзєня, занїманє и особне число кандидата,
2. писмена виява кандидата же прилапює кандидатуру,
3. потвердженє о месце перебуваня кандидата,
4. писмена согласносц ношителя лістини,
5. овласценє особох котри подноша виберанкову лістину,
6. уверенє о державянству,
7. судски оверени, на окреимним формулару, подписи виберачох котри потримали одредзєну виберанкову лістину.

#### **Член 45.**

Републична виберанкова комисија прєглашує виберанкову лістину єдней политичней странки (странкова виберанкова лістина), лістину двох або вєцей политичних странкох (коалиційна виберанкова лістина), односно ґрупи гражданох (виберанкова лістина ґрупи гражданох), такой по приєму виберанковей лістини и одвитующей документациї, а найпознейше у чаше 24 годзинох од приєма виберанковей лістини.

Ришенє о прєглашованю виберанковей лістини зоз пасуса 1. того члена Републична виберанкова комисија доручує без одкладаня подношительови.

#### **Член 46.**

Кед Републична виберанкова комисија утвердзи же виберанкова лістина нє придата благочашне, принєше ришенє о єй одруцованю.

Кед Републична виберанкова комисија утвердзи же виберанкова лістина ма недотатки котри онєможлївюю за прєглашованє виберанковей лістини у складзе зоз тим законом, принєше, у чаше 24 годзинох од приманя виберанковей лістини, заключенє з котрим ше подношительови виберанковей лістини наклада же би найпознейше у чаше 48 годзинох од хвильки доставяня



заклученя одклонел тоті недостатки. З тим заклученьом источашне ше подношительови виберанковой лістини укаже на роботи котри треба же би окончел пре одстраньоване недостаткох.

Кед Републична виберанкова комисија утвердзи же виберанкова лістина ма недостатки предвидзени з тим законом, односно кед утвердзи же недостатки виберанковой лістини не одстранени, або не одстранени у предвидзеним чаше, принеше у наиходзацях 48 годзинох ришене з котрим ше одбива преглашене виберанковой лістини.

### **3. Собирна виберанкова лістина**

#### **Член 47.**

Собирну виберанкову лістину утвердзує Републична виберанкова комисија и вона ма шицки виберанково лістини, зоз особними менами шицких кандидатох и податками о року народзєня, заніманю и месце биваня.

Шор виберанкових лістинох, зоз менама шицких кандидатох, на собирней виберанковой лістини утвердзує ше по шоре їх преглашованя.

Собирну виберанкову лістину Републична виберанкова комисија обявює у „Службеним гласніку Републики Сербії“, найпознейше 10 дні скорей дня одредзеного за отримоване виберанкох. За дзєнь преглашеня собирней виберанковой лістини бере ше дзєнь ей обявйованя у „Службеним гласніку Републики Сербії“.

Кажди подношитель виберанковой лістини ма право же би у чаше 48 годзинох од дня обявйованя собирней виберанковой лістини окончел, преїг' особох котрих овласци, увид до шицких придатих виберанкових лістинох и документації придатей з німа.

## **VII. ПРЕДСТАВЯНЄ ПОДНОШИТЕЛЬОХ ВИБЕРАНКОВИХ ЛІСТИНОХ И КАНДИДАТОХ ЗОЗ ВИБЕРАНКОВИХ ЛІСТИНОХ**

#### **Член 48.**

Подношительє виберанкових лістинох маю право же би у явних глашнікох информовали гражданох о програмох и активносцох, як и о предложених кандидатох, у складзе зоз одредбами того закона.

#### **Член 49.**

Организації котри емитую радио и телевизийни програм, чий снователь Република Сербия, обовязни су же би од дня розписованя виберанкох, у рамикох политично-информативней програми чия чуйносц и видлївосц обезпечена на цалей території Републики, обезпечели представяне подношительохла виберанкових лістинох и кандидатохла зоз виберанкових лістинох, як и виношене и обгрунтоване виберанковой програми подношительохла тих лістинох, у складзе зоз тим законом.

Организациейом зоз пасуса 1. того члена не допущене же, под гоч якими условиями, оможлїва представяне кандидатохла и виношене и обгрунтоване програми подношительохла виберанкових лістинох у комерцијалней, забавней або другей програми.

#### **Члан 50.**

Редакторе и водителе политично-информативних и специјализованих емисийохла организаційохла зоз члена 49. того закона обовязни же би у цеку виборней кампанї независно и обективно представяли шицких кандидатохла, а водителе емисийохла муша мац непристрасне одношене спрам шицких

заступених політичних, соціальних і етнічно-культурних програмах політичних странкох чийо ше кандидати представляю.

У складзе зоз одредбу пасуса 1. того члена, а на основи члена 5. пасус 2. того закона, орґанізую ше емисії з котрима ше обезпечує явне зочоване виберанкових програмах подношительох виберанкових лістинох и кандидатох зоз тих лістинох.

#### **Член 51.**

По двома представнікове Явного подприємства котри емітує радио и телевизийну програму а чий снователь Република Сербия, Влади Републики Сербії и політичних странкох котри маю посланікох у Народней скупштини Републики Сербії, з спорозуменьом утврдзую число и тирванє емисийох за представяне політичних странкох, політичних орґанізаційох односно ґрупи гражданох котри маю намиру учествовац на виберанкох.

Спорозумене зоз пасуса 1. того члена заключує ше найпознейше пейц дні од дня приношеня одлуки о розписованю виберанкох и без одкладаня явно обявює.

Средства явного информованя зоз пасуса 1. того члена, з участвованьом представнікох сновательох и подношительох виберанкових лістинох, утврдзую блізши правила за представяне подношительох виберанкових лістинох, виберанковой програми и кандидатох зоз виберанкових лістинох.

### **VIII. ЗАПРОВАДЗОВАНЄ ВИБЕРАНКОХ**

#### **1. Виберацки места**

##### **Член 52.**

Гласанє за посланікох окончує ше на виберацким месце. Виберацке место одредзує ше за гласанє найвецей 2.500, а найменей 100 виберачох. Блізши правила у вязи зоз виберацким местом утврдзує Републична виберанкова комисија.

##### **Член 53.**

Виберач гласа на виберацким месце на котрим є уписани до виводу зоз виберацкого списка.

Винімово, виберач може гласац и звонка виберацкого места на котрим є уписани до виводу зоз виберацкого списка, под условиями и у поступку одредзеним з тим законом.

Способ гласаня з вонка виберацкого места и число виберачох котри так гласали, уноши ше до записніку о роботі виберацкого одбора.

##### **Член 54.**

Каждому виберачови обовязно ше, найпознейше пейц дні скорей дня отримованя виберанкох, доручує обвисценє о дню и часу отримованя виберанкох, зоз числом и адресу виберацкого места на котрим гласа и числом под котрим є уписани до виводу зоз виберацкого списка.

Обвисценє зоз пасуса 1. того члена виберачом доручує орґан компетентни за водзенє виберацкого списка.

##### **Член 55.**

Кажди виберач гласа особне.

Виберач у цеку отримованя виберанкох може гласац лєм раз. Гласанє тирваце.

Гласа ше на оверених гласацких лісткох.

На виберацким месце и на 50 метери од виберацкого места забранене визначоване симболах политичних странкох и другого пропагандного материялу.

Кед ше у цеку гласаня потупя правила зоз пасуса од 1. по 4. того члена, виберацки одбор ше розпущує, а гласане на тим виберацким месце ше повторює.

На виберацким месце забранене хасноване пейджерох, мобилних телефонох и других средствох вязох и комуникації.

Блізши упутства о мирох з котрима ше обезпечує тайнось гласня утвездзує Републична виберанкова комисија.

#### **Член 56.**

Виберацки места ше отвораю на 7,00 годзин, а завераю на 20,00 годзин. У цеку того часу виберацке место муши буц непреривно отворене.

Виберачом котри ше застали на виберацким месце у хвильки його завераня оможливи ше же би гласали.

Гласане у иножемстве тирва два дні и закончує ше истого дня и на исто години по локалним чаше котри одвитує законченю гласаня у Републики Сербії.

#### **Член 57.**

Кед ше на виберацким месце потупи порядок, виберацки одбор може претаргнуц гласане покля ше не запровадзи порядок. Причини и тирване претаргнуца гласаня уноша ше до записніку о работи виберацкого одбору.

Кед гласане претаргнуте длужей од єдней години, предлужує ше за тельо часу кельо претаргнуце тирвало.

#### **Член 58.**

Док виберацке место отворене и док тирва гласане шицки члени виберацкого одбора або их заменїкове муша буц на виберацким месце.

За кажде виберацке место обезпечує ше окремна простория у котрей можливе обезпечиц тайнось гласаня.

У просторії у котрей ше окончує гласане може буц присутне лєм таке число виберацох за кельо єст обезпечени места за тайнось гласаня.

Забранене затримоване на виберацким месце шицким особох котри не маю право и длужносци у вязи зоз запровадзованьом виберанкох котри утвездзени з тим законом.

Припадніки полиції на длужносци можу войсц на виберацке место лєм кед на виберацким месце потупени порядок и мир, на поволанку председателя виберацкого одбору.

Пре потупене одредбох пасуса 1. по 5. того члена може ше поднесц пригварку Републичней виберанковой комисиї, котра одлучує чи ше гласане на тим виберацким месце повтори.

## **2. Виберанкови материял**

#### **Член 59.**

Гласацки лісток ма:

1. шорне число котре ше кладзе опрез назви виборней лістини,
2. назви виборних лістинох, по шоре яки утвердзеним на собирней лістини зоз особним меном першого кандидата зоз лістини,
3. надпомнуце же ше гласа лем за єдну виберанкову лістину, зоз заокружованьом шорного числа опрез назви тей лістини.

#### **Член 60.**

Гласацки лістки пририхтує и оверює Републична виберанкова комисија.

Републична виберанкова комисија утвердзує число гласацких лісткох, котре муши буц єднаке числу виберацох уписаних до виберацкого списку.

Републична виберанкова комисија контролює пририхтоване и оверйоване гласацких лісткох и одредзує число резервних гласацких лісткох.

Гласацки лістки друкую ше на єдним месце, на паперу котри защицени зоз водовим печачом.

Подношитель виберанковой лістини доручує Републичней виберанковой комисиї мено особи котра ма право же би присуствовала друкованю, читаню, пакованю гласацких лісткох и їх доручованю орґаном компетентним за запровадзованє виберанкох.

У општинах дзе у службеним хаснованю язики националних меншинох гласацки лістки ше друкую и на тих языкох.

Републична виборна комисија блізде предписує форму и випатрунок гласацких лісткох, способ и контролю их друкованя и доручованє и рукованє з гласацкими лістками.

#### **Член 61.**

Министер компетентни за роботи управи блізде предпише форму и димензиї гласацкей шкатули. Гласацки шкатули муша буц зоз превидного материялу (плексиґлас, пластика або подобни материял).

#### **Член 62.**

Републична виберанкова комисија длужна же би за кажди виберацки одбор благочашне пририхтала материял за гласанє, а окреме потребне число гласацких лісткох, собирну виберанкову лістину, вивод зоз виберацкого списка, потвердзєня о виберацким праву як и формулар записніка о роботи виберацкого одбора.

Примопридаванє виберанкового материялу окончує ше найпознєше 48 години скорей дня отримованя виберанкох.

Општинска управа стара ше о ушорйованю виберацких местох и пририхтує за кажди виберацки одбор потребне число гласацких шкатулох зоз прибором за их печатованє и прибором за писанє.

На дзєнь виберанкох, пред початком гласаня, виберацки одбор утвердзує чи пририхтани виберанкови материял за тото виберацке место подполни и исправни, чи виберацке место ушорене на способ з котрим ше обезпечує тайносоц гласаня и чи гласанє може почац и то уноши до записніку о своєй роботі.

#### **Член 63.**

Собирна виберанкова лістина, з назвами виберанкових лістох и менами шицких кандидатох, муши под час гласаня буц видно визначена на виберацким месце.

Змист, форму і спосіб визначення собирної виберанкової лістини зоз пасуса 1. того члена предписує Републична виберанкова комісія.

#### **Член 64.**

Представителе подношительох виберанкових лістинох и кандидати за посланікох маю право увиду до виберанкового материялу, а окреме до виводох зоз виберацких списках, записнікох виберацкого одбора, записнікох Републичней виберанкової комісії и гласацких лісткох. Увид ше окончує у службених просторийох Републичней виберанкової комісії, як и при орґанох при котрих ше виберанкови материял находзи. Увид до виберанкового материялу може ше окончиц у чаше пейцох дньох од дня отримованя виберанкох.

#### **Член 65.**

Виберанкови материял ше чува найменей штири роки.

Републична виберанкова комісія предписує спосіб хаснованя виберанкового материялу.

#### **Член 66.**

Републична виберанкова комісія предписує змист и форму формулару и виберанкового материялу котри потребни за окончованє виберанкох у чаше 15 дньох од дня ей менованя.

### **3. Гласанє**

#### **Член 67.**

Виберацки одбор проверює гласацку шкатулу у присустве виберача котри перши придзе на виберацке место. Резултат контроли уписує ше до контрольного лістку котри подписую члени виберацкого одбору и виберач котри пришол перши на виберацке место.

До гласацкей шкатули ше уруцує контролни лісток, а потим ше ю у присустве першого виберача печачує цо ше и уноши до записніку о работи виберацкого одбору.

После отвераня гласацкей шкатули, перше ше проверює чи ше у ней находзи контролни лісток. Кед у гласацкей шкатули нет контрольного лістку, виберацки одбор ше розпущує и менує ше нови, а гласанє ше на тим виберацким месце повторює.

Формулар контрольного лістку и спосіб печачованя гласацкей шкатули предписує Републична виберанкова комісія.

#### **Член 68.**

Виберач перше сообщує виберацкому одбору свойо власне мено и презвиско и придава обвисценє о гласаню, а зоз особну легитимацию або другим документом доказує свой идентитет.

Виберач не може гласац без придаваня доказу о своїм идентитету. Предсидатель або член виберацкого одбору, понеже утвєрдзи идентитет виберача, заокружує шорне число под котрим гласач уписани до виводу з виберацкого списку и толкує му спосіб гласаня.

Виберач подписує виберацки список и пребера гласацки лісток.

Каждому виберачови котри приступел гласаню и приял гласацки материял, зоз спеціальним спреєм будзе означени указуюци палец правей

руки, як знак же уж гласал. Означене на указуючим пальцу тирва найменей 24 години.

#### **Член 69.**

Члени виберацкого одбору не шму ні на яки способ уплівовац на одлуку виберача.

Члени виберацкого одбору длужни виберачови, на його вимогу, поясніц способ гласаня.

Члени виберацкого одбору длужни окреме мерковац же би ніхто не завадзал виберачови док пополнює гласацки лісток и же би у подполносци була обезпечена тайносц гласаня.

Кед ше у цеку гласаня потупя одредби од пасусу 1. по 3. того члена Републична виберанкова комисија розпущує виберацки одбор, формує нови виберацки одбор и одредзує повторйованє гласаня у тим виберацким одборе.

#### **Член 70.**

Виберач може гласац лєм за єдну виберанкову лістину зоз гласацкого лістка. Гласа ше зоз заокружованьом шорного числа опрез назви виберанковой лістини за котру ше гласа.

Виберач сам зогина пополнени гласацки лісток так же би ше не видзело як гласал и кладзе го до одвитующей гласацкей шкатули, а потим напущує виберацке место.

#### **Член 71.**

На дзень виберанкох не можу ше окончовац ніяки пременки у виводох зоз виберацких списках.

Кед ше поступи процивно одредби пасусу 1. того члена, виберацки одбор ше розпущує, а гласанє на тим виберацким месце ше повторює.

#### **Член 72.**

Виберач котри не у можлівосци же би на виберацким месце особне гласал (шлепа, инвалидна або неписмена особа) ма право же би приведол особу котра место нього, на способ яки му вона одредзи, виполні лісток, односно окончи гласанє.

Способ гласаня за виберача зоз пасусу 1. того члена уноши ше до записніку.

#### **Член 72а**

Виберач котри не у можлівосци же би гласал на виберацким месце (особа котра пре одредзену причину зопарта же би пришла або слаба особа) може, найпознейше по 11 годзин на дзень гласаня, обвисциц виберацки одбор о тим же жада гласац.

Три члени виберацкого одбору у преширеним составе виберацкого одбора котри представніки подношительох трох розличитих виберанкових лістинох котри одредзи виберанкови одбор одходза до такого виберача, утврдує його идентитет и придаваю му службену коверту, оверени гласацки лісток, збирну виберанкову лістину, потврдує о виберацким праву и окрему коверту за пополнени гласацки лісток, толкую му способ гласаня и напущує просторию у котрей виберач гласа.

По гласаню, виберач подписує потврдує о виберацким праву, зогина гласацки лісток и кладзе го до окремой коверти котру присутни члени

виберацкогo одбора пред нїм печациу зоз воском, после чого до службеной коверти кладу подписане потвердзене о виберацким праву и окремну коверту у котрей ше находзи гласацки лїсток.

По врацаню на виберацке место, члени виберацкогo одбору такой придаваю другим членом виберацкогo одбору службену коверту котру виберацки одбор отвера, на основи подписаногo потвердзена о виберацким праву заокружуе шорне число под котрим виберач уписани до виводу зоз виберацкогo списку и на концу отвера запечацовану коверту зоз котрей вибера зогнути гласацки лїсток и так го уруцуе до гласацкей шкатули же би ше не видзело за кого виберач гласал.

Кед у службеной коверти нет подписаногo потвердзена о виберацким праву, трима ше же виберач не гласал.

### **Член 72б**

Виберач котри ше на дзень гласаня находзи у притворе або витримуе заводску санкцию, гласа на виберацким месце у заводзе у котрим ше находзи.

Републична виберанкова комисија одредзуе окремни виберацки места у заводзе и менуе членох виберацкогo одбору у сталним и преширеним составе. Особи котри робя у министерстве компетентним за роботи правосудства и особи котри гласаю у заводзе не могу буц у составе виберацкогo одбору.

Министерство компетентне за роботи управи пририхтуе и оверюе окремни виводи зоз виберацкогo списку за кажди завод и доручуе их Републичней виберанковой комисиї у чаше 24 годзинох од дня приношеня ришеня о заключованю виберацкогo списку.

Окремни виводи зоз пасусу 3. того члена Републична виберанкова комисија доручуе виберацким одбором у заводох.

### **Член 73.**

Вибераче котри на служеню воєного року, на воєней вежби або на школованю у єдинкох або установох Войска Сербії гласаю на обявеним виберацким месце котре найблїжше єдинки або установи у котрей служба воєни рок або ше находза на воєней вежби, односно на школованю.

Републична виберанкова комисија, найпознейше 20 днї скорей дня отримованя виберанкох у „Службеним гласнїку Републики Сербії“ обявюе на котрих, уж одредзених, виберацких местох, буду гласац вояци котри на одслугованю воєного року, на воєней вежби або на школованю у єдинкох або установох Войска Сербії.

Министерство компетентне за роботи управи пририхтуе и оверюе окремни виводи зоз виберацкогo списку за гласане виберацох зоз пасусу 1. того члена и доручуе их Републичней виберанковой комисиї у чаше 24 годзинох од дня приношеня ришеня о заключованю виберацкогo списку.

Окремни виводи зоз пасусу 3. того члена Републична виберанкова комисија доручуе виберацким одбором на виберацких местох на котрих гласаю вибераче котри на одслугованю воєного року, на воєней вежби або на школованю у єдинкох або установох Войска Сербії.

### **Член 73а**

Вибераче котри маю место перебуваня у иноземстве гласаю у дипломатско-конзуларних представителствох Републики Сербії и на окремних виберацких местох котри одредзуе Републична виберанкова комисија, по достатим думаню министерства компетентного за иноземни роботи.

Министерство компетентне за роботи управи пририхтує и оверює окреми виводи зоз виберацкого списку за гласанє виберацох зоз пасусу 1. того члена и доручує их Републичней виберанковой комисії у чаше 24 годзинох од дня приношеня ришеня о заключованю виберацкого списку.

Окреми виводи зоз пасусу 2. того члена Републична виберанкова комиссия доручує министерству компетентному за иноземни роботи и котре их, ведно зоз другим виберанковим материялом, прешлїдзує на шицки виберацки места у иноземстве.

Членох виберацкого одбора у сталним составе у иноземстве менує Републична виберанкова комиссия, на предкладанє министерства компетентного за иноземни роботи.

Виберацки одбор у преширеним составе у иноземстве твори по єден представник подношителя виберанковой лістини чия лістина преглашена. Членох виберацкого одбору у преширеним составе у иноземстве менує Републична виберанкова комиссия на предкладанє подношителя виберанковой лістини чия лістина преглашена.

Председатель виберацкого одбору менує ше, по правилу, зоз шорох дипломованих правнікох занятих у дипломатско-конзуларним представительстве.

#### **Члени 73б до 73г**

*Престали важиц*

### **ІХ. УТВЕРДЗОВАНЄ И ОБЯВЇОВАНЄ РЕЗУЛТАТОХ ВИБЕРАНКОХ**

#### **1. Утвердзованє резултатох виберанкох**

##### **Член 74.**

По законченим гласаню виберацки одбор приступа утвердзованю резултатох гласаня на виберацким месце.

Виберацки одбор утвердзує число невихаснованих гласацких лісткох и кладзе их до окремой коверти котра ше печачує.

На основи виводох зоз виберацкого списку, виберацки одбор утвердзує вкупне число виберацох котри гласали.

Кед ше гласацка шкатула отвори, после проверйованя контрольного лістка, важацки гласацки лістки ше видвоюю од неважацких.

Виберацки одбор констатує число неважацких гласацких лісткох и уноши го до записніку, а потим утвердзує число важацких лісткох и число гласохла за каждую виберанкову лістину, цо тиж уноши до записніку.

Неважацки гласацки лісток то непополнени гласацки лісток, лісток котри пополнени так же ше не може утвердзиц за котру ше виберанкову лістину гласало и лісток на котрим заокружена вецей як єдна виберанкова лістина.

Кед на гласацким лістку заокружене мено и презвиско першого кандидата на виберанковой лістини або заокружена назва лебо часц назви виберанковой лістини, односно, кед источашне заокружене шорне число и назва виберанковой лістини и мено и презвиско першого кандидата, таки виберанкови лісток трима ше за важацки.

Кед ше утвердзи же число гласацких лісткохла у гласацкей шкатули векше од числа виберацохла котри гласали, виберацки одбор ше розпущує и менує ше нови, а гласанє на тим виберацким месце ше повторює.



**Член 75.**

Виберацки одбор по утвердзованю резултатов гласаня до записніку о своєї роботи уноши число примених гласацких лісткох; число невихаснованих гласацких лісткох; число неважацких гласацких лісткох, число важацких гласацких лісткох; число гласох датих за каждую виберанкову лістину; число виберацох спрам виводу зоз виберацкого списку и число виберацох котри гласали.

До записніку о роботи виберацкого списку уноша ше и пригварки и думаня членох виберацкого одбору, подношительох виберанкових лістинох и заєдніцких представительох подношительох виберанкових лістинох, як и шицки други факти значни за гласане.

Записнік о роботи виберацкого одбору подписую шицки члени виберацкого одбору.

**Член 76.**

Записнік о роботи виберацкого одбора вирабя ше на предписаним формулару котри ше друкує у шейсцох прикладнікох.

У општинох дзе у службеним хаснованю язики националних меншинох записніки о роботи виберацкого одбора друкує ше и на тих языкох.

Перши прикладнік записніка зоз утвердзеним виберанковим материялом доручує ше Републичней виберанковой комисії.

Други прикладнік записніка ше виклада на виберацким месце на явни увид.

Штири прикладніки записніку хтори остали уручую ше представніком подношительох виберанкових лістинох котри освоєли найвекше число гласох на тим виберацким месце и то такой кед подношитель виберанковой лістини ма представніка у виберацким одборе, а кед го нема представнік подношителя виберанковой лістини може превжац прикладнік записніка од виберанковой комисії у чаше 12 годзинох.

Други подношитель виберанковой лістини маю право же би, у чаше 12 годзинох од доручованя материялу зоз виберацкого места Републичней виберанковой комисії, од Републичней виберанковой комисії достали оверену фотокопию записніка зоз виберацкого места.

**Член 77.**

По утвердзованю резултатов гласаня виберацки одбор без одкладаня, а найпознейше у чаше 18 годзинох од хвильки завераня виберацкого места, доручи Републичней виберанковой комисії: записнік о роботи, вивод зоз виберацкого списку; невихасновани и, видвоєни, вихасновани гласацки лістки; неважаци и, видвоєни, важаци гласацки лістки, як и други виберанкови материял.

**Член 78.**

У чаше 96 годзинох од завераня виберацких местох, Републична виберанкова комисия зоз записнікох утвердзує: вкупне число виберацох уписаних до виберанкового списку; число виберацох котри гласал на виберацких местох, вкупне число гласацких лісткох котри примени на виберацких местох; вкупне число невихаснованих гласацких лісткох; вкупне число неважацких гласацких лісткох; вкупне число важацких гласацких лісткох; число гласох датих за каждую виберанкову лістину окреме.

Републична виберанкова комисия утвердзує резултати виберанкох и о тим прави окреми записнік.

Републична виберанкова комісія предписує зміст и форму формулара записніка о своєї роботи.

#### **Член 79.**

Подношитель виберанкових лістинох можу Републичней виберанковой комісії приявиц особу котра будзе мац право присуствовац статистичному обробку податкох у Републичней виберанковой комісії.

#### **Член 80.**

Каждей виберанковой лістини припада число мандатох зрозмирне числу достатих гласох.

#### **Член 81.**

У розподзельованю мандатох участвую лем виберанково лістини котри достали найменей 5% гласи од вкупного числа гласох виберачох котри гласали у виберанковой єдинки.

Политични странки националних меншинох и коалиції политичних странкох националних меншинох участвую у розподзельованю мандатох и кед достали меней як 5% гласох од вкупного числа виберачох котри гласали.\*

Политични странки националних меншинох шицки гевти странки чії основни циль представяне и заступане интересох националней меншини у защита и злепшоване права припаднікох националних меншинох, у складзе зоз медзинародними стандардами.

О тим же чи подношитель виберанковой лістини ма положене политичней странки националней меншини, односно коалиції политичних странкох националних меншинох, одлучує Републична виберанкова комісія при преглашованю виберанковой лістини, а на предкладане подношителя виберанковой лістини котри муши буц визначени при подношеню виберанковой лістини.

#### **Член 82.**

Републична виберанкова комісія розподзелює мандати з применюваньом системи найвекшого количніку.

Мандати ше розподзелюю так же ше вкупне число гласох котри достала каждая поєдинечна виберанкова лістина подзелі зоз числами од єден по заключно зоз числом 250.

Достати количніки розподзелюю ше по велькосци, а до огляду ше бере 250 найвекших количнікох. Каждая виберанкова лістина достава тельо мандати кельо тих количнікох отпада на ню.

Кед два виберанково лістини або вецей виберанкових лістинох достаню исти количніки на основи котрих ше додзелює єден мандат, а нет вецей нерозподзелених мандатох, мандат ше додзелі лістини котра достала вкупне векше число гласох.

Кед ані єдна виберанкова лістина не достала найменей 5% гласох, розподзельоване ше окончує на способ одредзени у пасусох од 1. по 3. того члена.

#### **Член 83.**

Мандати котри припадаю одредзеной виберанковой лістини додзелюю ше кандидатом зоз тей лістини, у складзе зоз одредбами того закону.

Кед одредзеной виберанковей лістини припадне вецей мандати як цо на той лістини предложене кандидатох за посланікох, мандат ше додзелює виберанковей лістини котра ма шлідоуюци найвекши количнік.

#### **Член 84.**

Републична виберанкова комисија найпознейше у чаше 10 дньох од дня обявйованя вкупних резултатох виберанкох шицки достати мандати зоз виберанковей лістини додзелі кандидатом спрам рядошліда на виберанковей лістини, починаюци од першого кандидата зоз лістини.

### **2. Обявйованє резултатох виберанкох**

#### **Член 85.**

Републична виберанкова комисија обявює у „Службеним гласніку Републики Сербії” податки о вкупних резултатох виберанкох посланікох и то о:

1. числу виберачох уписаних до виберацкогo списку,
2. вкупним числу виберачох котри гласали,
3. числу примених гласацких лісткох,
4. числу невихаснованих гласацких лісткох,
5. числу вихаснованих гласацких лісткох,
6. числу неважацих гласацких лісткох,
7. числу важацих гласацких лісткох,
8. числу гласох котри достали поєдинєчни виберанково лістини,
9. числу мандатох котри достали поєдинєчни виберанково лістини.

#### **Член 86.**

Резултати виберанкох Републична виберанкова комисија обявює у чаше 96 годзинох од хвильки закончованя гласаня.

Од закончованя гласаня по обявйованє резултатох виберанкох, Републична виберанкова комисија обявює преїг средствох информованя дочасово податки о резултатох виберанкох.

Резултати виберанкох ше обявюю у „Службеним гласніку Републики Сербії”.

#### **Член 87.**

Републична виберанкова комисија видава посланікови уверенє же є избрани.

### **X. ПРЕСТАВАНЄ МАНДАТА, ПОВТОРЙОВАНЄ ВИБЕРАНКОХ И ПОПОЛНЬОВАНЄ ПРАЗНИХ ПОСЛАНІЦКИХ МЕСТОХ**

#### **1. Преставанє мандата**

#### **Члан 88.**

Посланікови престава мандат скорей часу на котри є избрани:

1. *престала важиц* (Одлука УС – 57/2003-41),
2. зоз подношеньом задзекованя,
3. кед є зоз правомоцну судску одлуку осудзени на кару гарешту безусловно у тирваню найменей шейсц мешаци,

4. кед му зоз правомоцну судску одлуку одняти работни способносци,
5. зоз пребераньом работи або функції котри спрам того закону, не можу буц злучени зоз функцию посланїка,
6. зоз траценьом державянства,
7. кед му престанє место биваня на території Републики Сербії,
8. кед наступи шмерц посланїка,
9. *престала важиц* (Одлука УС – 57/2003-41).

Посланїк особне подноси задзекованє, оверене при орґану котри компетентни за оверйованє подписох, председательови Народней скупштини у чаше трох дньох од дня оверйованя.

Посланїкови мандат престава зоз дньом наступаня случаю зоз пасусу 1. того члена.

Дзень преставаня мандата констатує Народна скупштина Републики Сербії такой по приему обвисценя о причинах за преставанє мандата посланїка, на схадзки котра у цеку, односно на першей шлїдующей схадзки.

#### **Член 89.**

Повторйованє вибаранкох ше запровадзує кед Републична виберанкова комисија понїщи вибаранки пре несправилносци у запровадзованю вибаранкох у случаюх котри утврдзени зоз тим законом.

#### **Член 90.**

Кед Републична виберанкова комисија понїщи вибаранки на єдним виберацким месце, гласанє ше повторює лєм на тим виберацким месце.

Кед ше вибаранки повторюю у случаюх котри утврдзени зоз тим законом Републична виберанкова комисија приноси ришенє о повторйованю гласаня.

У случаюх зоз члена 89. и 90. того закона резултат вибаранкох ше утврдзує по законченю повтореного гласаня.

#### **Член 91.**

Повторени вибаранки ше запровадзує на способ и спрам поступку за запровадзованє вибаранкох котри утврдзени зоз тим законом.

Повторени вибаранки розписує Републична виберанкова комисија.

Повторени вибаранки запровадзую ше найпознейше 15 дні од дня понїщованя вибаранкох у Републики Сербії, односно седем дні од дня понїщованя вибаранкох на виберацким месце.

Повторени вибаранки ше запровадзує по лістинох кандидатох котри утврдзени за вибаранки котри понїщени, окрем кед вибаранки понїщени пре несправилносци при утврдзованю виберанковой лістини.

#### **Член 92.**

Кед на основи члена 88. пасус 1. того закона посланїкови престанє мандат скорей вицеку часу на котри є избрани, мандат ше додзелює новому посланїкови, на способ котри утврдзени зоз тим членом.

Кед посланїкови престанє мандат скорей вицеку часу на котри є избрани, мандат ше додзелює першому шлїдующему кандидатови зоз истей виберанковой лістини котрому не додзелени мандат посланїка.

Кед посланікови котри вибрани зоз коалиційней виберанковей лістини престане мандат скорей вицеку часу на котри є вибрани, мандат ше додзелює першому шлідуючому кандидатови на виберанковей лістини котрому не додзелени мандат – припаднікови истей політичней странки.\*

Кандидатови котрому додзелени мандат посланіка, а котрому мандат престал пре преберанє функції члена Влади, мандат ше ознова додзелює у истим зволаню Народней скупштини под условиями:

- же кандидатови престала функция члена Влади,
- же иснує празне політичне место котре припада истей виберанковей лістини, и
- же кандидат поднесол вимогу за додзельованє мандата посланіка Републичней виберанковей комісії.

Кед посланікови престанє мандат скорей вицеку часу на котри є вибрани у случайох зоз пасусу 1. того члена, а на виберанковей лістини зоз котрей посланік вибрани нет кандидатох за котри подношитель виберанковей лістини не достал мандат, мандат припада подношительови виберанковей лістини котри ма шлідуюци найвекши количнік, а за ньго не достал мандат.

Мандат нового посланіка тирва по конєц мандату посланіка котрому престал мандат.

У случайох зоз пасусу 2, 3. и 5. того члена од кандидатох ше скорей утвердзованє мандата достава писмена согласносц же прилапює мандат.

## **XI. ЗАЩИТА ВИБЕРАНКОВОГО ПРАВА**

### **Член 93.**

Органи компетентни за запровадзованє виберанкох длужни же би у цеку виберанкового поступку обвисцовали виберацох о їх виберанкових правах и о способу защиты тих правах.

### **Член 94.**

Кажди виберач, кандидат за посланіка и подношитель виберанковей лістини ма право на защиту виберанкового права, по поступку котри утвердзени зоз тим законом.

### **Член 95.**

Кажди виберач, кандидат и подношитель виберанковей лістини ма право же би поднесол пригварку Републичней виберанковей комісії пре потупйованє виберанкового права у цеку виберанкох або неправоносци у поступку предкладаня односно виберанкох.

Пригварка процив одлуки, роботи або препущеня виберацкого одбору подноши ше Републичней виберанковей комісії.

Пригварка зоз пасусу 1. и 2. того члена подноши ше у чаше 24 годзинох од хвильки кед принєшена одлука односно окончена работа котру подношитель пригварки трима за неправопну, односно од хвильки кед направене препущене.

### **Член 96.**

Републична виберанкова комісія приноси ришенє у чаше 48 годзинох од хвильки приєму пригварки и доручує го подношительови пригварки и шицким подношительом виберанкових лістинох.

Кед Републична виберанкова комісія усвої пригварку, поніщи одлуку або роботу.

Кед Републична виберанкова комисија по пригварки не принеше ришене у чаше котри предвидзени зоз тим законом, трима ше же пригварка усвоена.

#### **Член 97.**

Процив каждого ришеня Републичней виберанковой комисиї котре принешене по пригварки може ше виявиц жалба Управному суду.

Жалба ше подноси преїг Републичней виберанковой комисиї у чаше 48 годзинох од приему ришеня.

Републична виберанкова комисија длужна у чаше 24 годзинох од приему жалби доручиц Управному суду пригварку и шицки потребни документи.

Управни суд одлучує по жалби спрам применюваня одредбох закона зоз котрим ше ушорює поступок у управних спорох.

Одлука по жалби принеше ше найпознейше у чаше 48 годзинох од приему жалби зоз документами.

Одлука принешена у поступку по жалби правомочна и процив ней ше не може поднесц ванредни правни средства котри предвидзени зоз законом зоз котрим ше ушорює управни спор.

Кед суд усвої жалбу и понїци виберанкову роботу, односно виберанки, одвитуюца виберанкова работа, односно виберанки повторя ше найпознейше за дзешец днї.

## **XII. ТРОШКИ ЗАПРОВАДЗОВАНЯ ВИБЕРАНКОХ**

#### **Член 98.**

Средства за роботу орґанох за запровадзоване виберанкох, виберанкови материя и други трошки запровадзованя виберанкох обезпечую ше у бюджету Републики.

Вимога за додзельоване средствох зоз спецификацию вкупних трошкох подноси Републична виберанкова комисија.

Средства котри ше виплацую як надополнене за роботу особох у орґанох за запровадзоване виберанкох ошлебодзени плацаня порцийох и доприношеньох.

#### **Член 99.**

У поступку запровадзованя виберанкох общи надпатрунок поступкох политичних странкох, кандидатох и средствох явного информованя у цеку виберанкових активносцох запровадзує надпатраюци одбор.

Надпатраюци одбор ма дзешец членох од котрих половку членох менує Народна скупштина Републики Сербії на предкладане Влади републики Сербії, а половку на предклад посланїцких ґрупох у Народней скупштини Републики Сербії зоз шорох визначних явних роботнікох, под условийом же вони не члени орґанох политичних странкох котри участвую на виберанкох.

Председателя надпатраюцого одбору вибераю медзи собу члени надпатраюцого одбору зоз тайним гласаньом.

#### **Член 100.**

Надпатраюци одбор:

1. провадзи предвиберанково активносци и указує на евентуални неправилносци у поступаню политичних странкох, кандидатох и других учашнікох у виберанковим поступку,

2. контролює поступаня средствох явного информованя у применки одредбох того закону котри ше одноша на забезпечованє равноправних условийох за представяне подношительох виберанкових лістинох и кандидатох зоз виберанкових лістинох,

3. предклада мири за почитованє єднакосци кандидатох у викладаню їх програмох,

4. обраца ше гу явносци пре заштиту морального интеґритету подоби кандидата,

5. спозорює на поступки политичних странкох орґанох управи, кандидатох и средствох явного информованя котри завадзаю виберанковой кампанї и зоз котрима ше загрожує єднакосц правох шицких кандидатох.

Кед гоч котри учашнік у виберанковой кампанї зоз своїм справованьом поволує на насилство, шири националну, вирску або расну мержню або побудзує на неравноправносц полах, надпатраюци одбор за виберанкову кампаню без одкладаня да иницијативу за порушованє поступку пред компетентними державними орґанами.

Кед ше спорозуменє зоз члена 51. того закону не заключи у предвидзеним чаше, надпатраюци одбор утвєрдзи число и тирванє емисийох за равноправне представяне подношительох виберанкових лістинох.

#### **Член 101.**

Народна скупштина Републики Сербії будзе меновац членох Републичней виберанковой комисії у чаше од 20 дні од дня ступаня на моц того закона.

Републична виберанкова комисия принєше акти котри предвидзени зоз тим законом найпознєйше у чаше пейцох дньох од дня менованя своїх членох.

Републична виберанкова комисия одредзує виберацки места на котрих ше окончи гласанє за народних посланїкох так же би ше оможлівело виберачом же би гласанє за тих посланїкох и за других посланїкох, односно одборнікох, за котри ше истого дня запровадзую виберанки окончели у истей просторїї або, по можлівосци, у найблїжшей просторїї у котрей ше источашне запровадзую други виберанки.

#### **Член 102.**

Републична орґанизация компетентна за роботи статистици обяви у „Службеним гласніку Републики Сербії” податки о числу виберачох у чаше дзешец дньох од дня ступаня на моц того закона.

#### **Член 103.**

*Престал важиц*

### **XIII. КАРЕБНИ ОДРЕДБИ**

#### **Член 104.**

З кару гарешту по три роки покаре ше за виновне діло член Републичней виберанковой комисії або член виберацкого одбору, або друга особа котра у окончованю длужносци у вязи зоз вибором посланїкох вименї число датих гласох зоз додаваньом або одніманьом гласацких лісткох або гласох при чишленю або котре обяви резултат виберанкох котри не одвитує оконченому гласаню.

#### **Член 105.**

*Престал важиц*

**Член 106.**

З пенєжну кару або зоз кару гарешту по єден рок покаре ше за виновне діло:

1. хто после окончених виберанкох за вибор посланіка повола виберача на одвичесательносц пре гласанє або вимага од нього же би гварел як гласал або прецо не гласал,

2. хто на виберанкох за вибор посланіка гласа место другого виберача под його меном або на истим гласаню гласа двараз або вецей раз,

3. хто на виберанкох за посланікох зніщи, очкодує, однеє або скрие гласацки лісток зоз котрим окончене гласанє, даєден зоз документох о виберанкох або гоч котри предмет котри наменени виберанкох або гласаню.

Кед діло зоз пасусу 1. того члену пороби член Републичней виберанковой комісії, член виберацкого одбору або друга особа у окончованю длужносци у вязи зоз наведзенима виберанками – покаре ше зоз кару гарештом од три мешаци по три роки.

**Член 107.**

*Престал важиц*

**Член 108.**

Зоз пенєжну кару од 100.000 по 600.000 динари покаре ше за потупене орґанизация котра обяви прецену резултатох виберанкох або претходни резултати виберанкох противне одредби члана 5. пасусу 3. того закона.

За потупене зоз пасусу 1. покаре ше и одвичесательна особа у орґанизациі зоз пенєжну кару од од 20.000 по 50.000 динари.

За потупене зоз пасусу 1. того члена покаре ше и особа котра обяви прецену резултатох виберанкох або претходни резултати виберанкох зоз пенєжну кару од 10.000 по 40.000 динари.

**Член 109.**

Зоз пенєжну кару од 25.000 по 50.000 динари покаре ше за потупене член виберацкого одбору або Републичней виберанковой комісії котри онеможливи провадзене работи орґанох за запровадзене виберанкох (член 32. пасус 2. Закона)

**Член 110.**

Зоз пенєжну кару од 50.000 по 800.000 динари покаре ше за потупене орґанизациі зоз члена 51. того закона кед не окончую обовязки котри утвєрдзени зоз одредбами того закона односно кед оможливя представяне кандидата противне члену 49. пасус 2. того закона.

За потупене зоз пасусу 1. того члена покаре ше и одвичесательна особа у орґанизациі зоз члена 51. того закона зоз пенєжну кару од 10.000 по 30.000 динари.

**Член 111.**

Зоз пенєжну кару од 20.000 по 50.000 динари покаре ше руководитель орґана компетентни за водзене виберацких спискох кед не спольни обовязки зоз члена 12, 19. и 54. Закона.

**Член 112.**



Зоз пенєжну кару од 100.000 по 400.000 динари покаре ше за потупене политична странка, коалиция односно друга политична орґанизация або друга правна особа котра процивно одредбами того закону визначує симболи политичней странки, односно другей политичней орґанизациї, як и други пропаґандни материял (член 55. Закона).

За потупене зоз пасуса 1. того члена покаре ше и одвичательна особа у политичней орґанизациї або другей правней особи зоз пенєжну кару од 10.000 по 25.000 динари.

#### **Член 113.**

Зоз пенєжну кару од 10.000 по 30.000 динари покаре ше за потупене особа котра на виберацким месце хаснує пейджер, мобилни телефон и други средства вязох и комуникацийох (член 55. Закона).

#### **Член 114.**

Зоз пенєжну кару од 10.000 по 30.000 динари покаре ше особа котра вивола нешор на виберацким месце пре котре гласанє мушело буц претаргнуте (член 57. Закона).

### **XIV. ПРЕХОДНИ И ЗАКОНЧУЮЦИ ОДРЕДБИ**

#### **Член 115.**

Тот закон ступа на моц осмого дня од дня обявйованя у „Службеним гласніку Републики Сербії”.

#### **Член 116.**

Зоз дньом ступаня на моц того закона престава важиц Закон о виборе народних посланікох („Службени гласнік РС”, числа 79/92, 83/92, 53/93, 67/93, 90/93, 107/93, 48/94 и 32/97).

#### **Член 117.**

Зоз дньом ступаня на моц того закона престава важиц Закон о виберанкових єдинкох за вибор народних посланікох („Службени гласнік РС”, число 32/97).

### **Самостойни члени Закона о вименкох и дополнєньох**

#### **Закона о виборе народних посланікох**

(“Сл. гласнік РС”, число 18/2004)

#### **Член 16**

Министерство компетентне за нукашні роботи длужне у чаше 30 дньох од ступаня на моц того закону доручи министерству компетентному за роботи управи список виберацох котри маю место перебуваня у иножемстве.

Министерство кометентне за роботи управи длужне запровадзиц Окремну евиденцију виберацох у иножемстве у чаше 30 дньох од приему списку виберацох котри маю место перебуваня у иножемстве.

#### **Член 17**

Кед виберанки за Народну скупштину буду отримани скорей успоставяня Окремней евиденциї виберацох у иножемстве, министерство компетентне за иножемни роботи, такой по розписованю виберанкох, през явни оглашки обвисци виберацох котри маю место перебуваня у иножемстве же розписани виберанки и повола их же би дипломатско-конзуларним представительствами

державней заєдніци Сербия и Чарна Гора доручели податки потребни за ажурованє виберацкогo списку.

Достати податки министерство компетентне за иноземни роботи доручи Републичней виберанковой комисии найпознейше 15 днї скорей дня отримованя виберанкох. Републична виберанкова комиссия, на основи доручених податкох, направи и овери окреми виводи зоз виберацкогo списку за кажде виберацке место у иноземстве и доручи их министерству компетентному за иноземни роботи котре их, вєдно зоз другим виберанковим материялом, прешлїдзи на шицки виберацки места у иноземстве на котрих ше будзе гласац.

#### **Член 18**

Тот закон на моц ступа шлїдующего дня од дня обявйованя у "Службеним гласніку Републики Сербии".

#### **Самостойни член Закона о вименкох и дополнєньох Закона о виборе народних посланікох**

("Сл. гласнік РС", число 36/2011)

#### **Член 17**

Тот закон ступа на моц осми дзень по обявйованю у "Службеним гласніку Републики Сербии", а одредби члена 13. и 15. того закона применюю ше од розписованя шлїдующих виберанкох за народних посланікох Народней скупштини Републики Сербии.